

482 N. 1107

1716 N 254
309/190
1.8

विद्यया ऽपि विदुः



বংরাজ।

বৃন্দাভ্যাস।

—

প্রীতুলকৃষ্ণ মিত্র-প্রণীত।

—

৮ই শ্রাবণ ১৩১৬, শনিবার
“মিনার্ভা থিয়েটারে” প্রথম অভিনীত।

—

কলিকাতা,

২০১ নং কর্ণওয়ালিস স্ট্রীট,

বোম্বে মেডিক্যাল লাইব্রেরী হস্তে

শ্রীগুরুদাস চট্টোপাধ্যায় কর্তৃক প্রকাশিত।

—

[মূল্য ১০ চারি আনা মাত্র।]



THE FIRST TWO FORMS

PRINTED BY S. C. CHAKRABARTI AT THE

KALIKA PRESS,

17 Nanda Kumar Choudhury's 2nd Lane, Calcutta,

রঙ্গনাট্যোক্ত ব্যক্তিগণ ।

—
রঙ্গনাট্য—

পুরুষগণ ।

শুভ্রকান্তি শ্রেষ্ঠী	...	...	অগধের জনৈক সম্ভ্রান্ত ব্যক্তি
পুরুষপ্রিয় প্রধান	...	...	ঐ জনৈক ব্যবসায়ী যুব
সর্কশরণ শ্রীমন্ত	...	...	পল্লিগ্রামস্থ ধনবান কৃষক ।
রংরাজ	...	...	শুভ্রজাতীয় সূচতুর ব্যক্তি ।

আহারাদার, চিকিৎসক, নরসুন্দর, ইত্যাদি ।

—
স্ত্রীগণ ।

অনাবলা	...	...	শুভ্রকান্তির স্ত্রী ।
দেবদয়া	...	...	ঐ কণ্ঠা ।
শামলী	...	...	দেবদয়ার সখী ।

শ্রেষ্ঠা মহিলাগণ ।

—

প্রোফেসর দেবকণ্ঠ বাকুচী কর্তৃক

স্মরণ-লয়ে গঠিত

এবং

নৃত্যশিক্ষক শ্রীনৃপেন্দ্রচন্দ্র বসু কর্তৃক

নৃত্য সংযোজিত ।

প্রথম অভিনয় রজনীর অভিনেতা ও অভিনেত্রীগণ ।

রংরাজ	...	...	শ্রীযুক্ত নৃপেন্দ্রচন্দ্র লস্কর ।
সর্বশরণ শ্রীমন্ত	...	...	„ অহীন্দ্রনাথ দে ।
শুভকান্তি শ্রেষ্ঠী	...	...	„ মতীশচন্দ্র বন্দ্যোপাধ্যায় ।
অরুণোদয় প্রধান	...	হাস্তার্ণব	„ অক্ষয়কুমার চক্রবর্তী ।
পুত্রপ্রিয় প্রধান	...	...	„ সত্যেন্দ্রনাথ দে ।
চিকিৎসক	...	...	„ ঐ
নরসুন্দর	...	...	„ অতুলকৃষ্ণ গঙ্গোপাধ্যায় ।
পাহারাদার	...	...	{ নির্যালচন্দ্র গঙ্গোপাধ্যায় । মধুসূদন ভট্টাচার্য ।
শ্রীমতী	...	...	„ শ্রীমতী সুনীলাবালা দাসী ।
অনাবিলা	...	...	„ প্রকাশমণি দাসী ।
দেবদয়া	...	...	„ সরোজিনী দাসী ।
একজন স্ত্রীলোক	...	...	„ চন্দ্রাবালা দাসী ।
অনা ঐ	...	...	„ নীরদা সুন্দরী দাসী ।


শ্রেষ্ঠী পুরুষ-মহিলাগণ—শ্রীমতী নীরদা সুন্দরী, চারুবালা, সরলা
বালা, রাধারাণী, বলিনীবালা, সখিমণি,
জ্যোতির্ময়ী, সরসুবালা, মণিবালা,
উম্মাদিনী, ননীবালা, প্রফুল্লকুমারী
শরৎকুমারী ইত্যাদি ইত্যাদি ।

“রং রাজ”

১৩১৬ সাল, ৮ই আশ্বিন শনিবার, মিনার্ভা থিয়েটারে
প্রথম অভিনীত হয়।

প্রোপ্রাইটার	...	...	শ্রীযুক্ত মনোমোহন পাণ্ডে।
ম্যানেজার	...	...	” গিরিশ চন্দ্র ঘোষ।
বিজ্ঞেন্স ম্যানেজার	...	...	” চারুচন্দ্র বসু।
শিক্ষক			{ পণ্ডিত শ্রীহরিভূষণ ভট্টাচার্য ও শ্রীযুক্ত সুরেন্দ্রনাথ ঘোষ।
সঙ্গীত-শিক্ষক	...	...	শ্রীযুক্ত দেবকণ্ঠ বাকুচি।
নৃত্যশিক্ষক	...	...	” নৃপেন্দ্রচন্দ্র বসু।
সহকারী ঐ	...	...	” সাতকড়ি গঙ্গোপাধ্যায়।
বংশীবাদক	..	...	” অমৃতলাল ঘোষ।
হারমোনিয়াম বাদক	...	...	” তারাপদ রায়।
গিয়ানো বাদক	..	...	” বেণীভূষণ বসাক।
তবলাবাদক	...	...	” রজনীকান্ত ঘোষ।
বৃদ্ধভূমি-সজ্জাকর	...	...	” কাহারুচরণ দাস।
সহকারী ঐ	...	...	” পঞ্চানন ঘোষ।
বেশকারী	..	...	{ হরেকৃষ্ণ রায় নন্দলাল গঙ্গোপাধ্যায়।

বংরাজ ।



প্রথম দৃশ্য ।

গগন রাজধানী—শুভ্রকান্তি শ্রেষ্ঠীর

মদনোৎসব-কুঞ্জের দ্বার ।

শ্রেষ্ঠী পুণ্যহিলাগণের প্রবেশ ।

গীত ।

আজু মোবা মাতুয়াবা—ধীরা অধীরা—

ধরা ধরিতে সবারে কম্পমান ।

গীতে গগন ফাটে, মৃত্তিকা ফুটে নাটে,

দিক বিদিক নাহি জ্ঞান ॥

● অঞ্চল চঞ্চল পবনা উড়ায়,

নিমুক্ত কেশরাশি ইতি উতি ধায়,

পুংঘুর বাজে ঘন, কঙ্কণ কণ কণ,

যবঘর যাগরি ঘূর্ণায়মান ।

মদনোৎসবে সবে স্মৃপেছি পরাণ ॥

এক পার্শ্ব হইতে রংরাজ ও অপর পার্শ্ব হইতে

শাম্লীর প্রবেশ ।)

শাম্। (স্বগতঃ) আ ম'লো ! রংরাজটু এল' কোথেকে ?

রংরা। (স্বগতঃ) আরে ম'লো ! এ শাম্লী ছুঁড়ী
এখানে যে ?

শাম্। (স্বগতঃ) আমায় বোধ হয় দেখুতে পায় নি ।

(প্রস্থানোচ্ছতা)

রংরা। ওরে শাম্লি ! পালাসু কেন ? আমি যে তোকে
দেখতে পেরেছি ।

শাম্। মরু বিটলে ! মানুষ চিনিমু না ! আমি কি তোর
শাম্লী নাকি ? আমার নাম যে গ্রামালতা !

রংরা। বটে ! তা বেশ ! এখন আমায় চিন্তে পেরেছিসু
কিনা বল দেখি ?

শাম্। তুই তো সেই রংরাজ বাদর !

রংরা। তুর্ পোড়ারমুখি ! রংরাজ কিরে ? আমি যে
রাজাধিরাজি রঙ্গরাজ !

শাম্। কেমন কোরে রঙ্গরাজ ?

রংরা। তুই যেমন কোরে শাম্লী থেকে গ্রামালতা—
আমি তেমনি রংরাজ থেকে রঙ্গরাজ !

শাম্। তা বেশ ! এখন দেশ মজিরে এ দেশ মজাতে
এসেছিসু কদিন ?

রংরা। আমি সব্ব আজ ! তুই কদিন ?

শাম্। অগির বুছর ফেরে !

রংরা। রোজকার কি কল্লি ?

রঙ্গনাট্য ।

৯

শাম্ । (বুকাছুলি দেখাইয়া) নবডকা !

রংরা । দূর ছুঁড়ি ! বছরটা মাটি ক'রেছিস্ ? এখন ঠিক ক'রে বল্‌দেখি, কিছু যোগাড় আছিস্ কিনা ?

শাম্ । আছি ।

রংরা । কি ! বল্‌না !

শাম্ । ব'ল্‌লে—তুইতো ভাগ বসাবি !

রংরা । তাতো বসাবই ! দেশে একলা খেয়ে বসাব'রতো পেট ফেঁপে ম'রছিলি ! এখন ভাগাভাগি কোরে দেখি আয়না । জাল পেতেছিস্ কোথা ?

শাম্ । তা খুব বড় গাঙে ! কিন্তু তোকে বল্‌তে যে ভয় হয় ?

রংরা । কেন ?

শাম্ । তুই যদি বাগে পেয়ে কই কাতলা নিজের ভাগে রেখে—চুঁনোটো পুঁটিটা আমায় দিস্ !

রংরা । সে দেশের কথা ছেড়ে দে—এ বিদেশ—এখানে হয় আধাআধি, নিদেন দশ আনা ছ-আমা ! এখন বল্‌দেখি ব্যাপারটা কি ?

শাম্ । ব্যাপারটা বেশ ! কিন্তু দেখিস্ যেন ফাঁকি মারিস্‌নি ।

রংরা । মারি না ।

শাম্ । তরে শোন ! এখানকার একটা বৈশ্য বড়মানুষের মেয়ের আমি সখী হ'য়েছি ! সেই মেয়েটা বে'লু গিয়া । তার বাপ বড় বংশের হ'লে কি হয়—এদিকে তার কিছু নেই এনেবারে অষ্টরস্তা ! এখানকার একটা সদাগরের সঙ্গে

মেয়েটার ভালবাসা হ'য়েছে । কিন্তু বাপটা তাতে রাজি নয় ।
আমাদের দেশের সেই যে চাষা বড়মানুষ অনেক টাকাওলা,
ওদের স্বজাত, সেই যে রে সর্কশরণ শ্রীমন্ত—বাপটা তার সঙ্গে বে
দিয়ে কিছু দাঁড়ের চেঁচায় আছে—বুঝলি ?

রংরা । (স্মৃতি) ঠিক ! হাঁ—তারপর ?

শাম্ । তা বলছি ! কিন্তু এতক্ষণ মাথা হেঁট কোরে তুই
কি ভাবছিলি !

রংরা । ভাবছিলুম আর কই ? কথাগুলো ভাল কোরে
মাথার ভেতর ঢুকিয়ে রাখছিলুম !

শাম্ । বেশ ! এখন ভাল কোবে শোন ; সেই আমাদের
দেশের সর্কশরণ শ্রীমন্তকে কর্তা চিঠি নিকে আনাচ্ছেন—আজ
সে এসে এই মদন-উচ্ছবের দরজা খুলবে—আর মেয়েটাকে বে
কোরে নিয়ে যাবে ।

রংরা । এখানকার সদাগর ছোঁড়ার পয়সা কেমন ?

শাম্ । তা মন্দ নয় ! তবে সর্কশরণের কাছে নাগে না !
কর্তার বিষয় আশ্রয় সব বাঁধা প'ড়েছে—সর্কশরণ সব উধ্বরে
দেবে ব'লেছে ।

রংরা । সব বুঝলুম ! এখন দেখা যাচ্ছে—ছুঁড়ি চায়
সদাগরকে—সদাগরও চায় ছুঁড়িকে । কর্তা চায় সর্কশরণকে
মেয়ে দিয়ে দাঁড় কোর্তে—আর সর্কশরণ চায়—বড় বংশের
মেয়ে বে কোরে নিজের চাষা নামটা ঘোচাতে—তাতে দশ
বিশ হাজার লাগে—লাগে ! কেমন এই তো ?

শাম্ । হাঁ !

রংরা । এখন আমাদের তোর আক আমার ।

• গীত ।

বংরা । এ যেখুঁর স্ফুযোগ—খুব্ স্ফুযোগ—খুব্ স্ফুযোগ—
শাম্ । কিসে স্ফুযোগ ? কিসে স্ফুযোগ ? কিসে স্ফুযোগ ?

যদি—চালাকী-চাতুরী না হয় যোগ ?

বংরা । সেটা তুই যোগাবি, আমি যোগাবো,

যোগেযোগে হবে ঠিক যোগাযোগ ॥

শাম্ । যদি পাকা তারা কেউ হয়,

চোরের—বাটপাড়ও তো রয় ;

বংরা । সে সব ছিঁচকে চোরের ছঁচাচড়া চুরি—

এ চুরি তেমন নয় ।

এতে—বাটপাড়েতেও ঘাট্ মানেন—

• হয় স্ফুই কর্মভোগ—

তাদের স্ফুই কর্মভোগ ॥

শাম্ । বেস্ । তা হ'লে কি কোরে কি ক'র্কি ?

বংরা । আগে এক দফা টাকা নেবো—তারপর এক দফা
টাকা নেবো—তারপর এক দফা টাকা নিয়ে—ঠিকঠাক কাজ
হাসিল ক'র্কো—

শাম্ । তারপর ?

বংরা । আবার তারপর শুন্বি ? তারপর তোর টাকাও
আমার টাকা—আমার টাকাও তোর টাকা—টাকায় টাকা
মিশিয়ে দিয়ে—গট হোয়ে বোসে স্ফু খাবো—

শাম্ । ইস্ । এত আশ্বা তোর ?

বংরা । না হয়—বেস্ ! যে যার সে তার ভাগ বসাবো,
আপন সিন্দুকে থিল্ আঁটবো ।

শাম্। তাই অঁটিস্। এখন ঐ ওরা দুজন আসছে। চ—
আমরা একটু আড়ালে গিয়ে কি কোর্টে হবে নাহবে তার
মতলব অঁটিগে—ওরা ততক্ষণ কাঁড়কি, আর হাঁপিয়ে মরুগ।

রংরা। তাই চি! শাম্। ছুঁড়িটেতো বেসুরে—জুড়ে
গেঁথে দিতে পাল্লো মানাবে ভাল—কেমর্? যেমিন তোর মোর
কেমন?

শাম্। হ্যা—হ্যা—চ। এখন ফচকিমি রাখ্।

(উভয়ের অন্তরালে গমন)

(দেবদয়া ও পুরপ্রিয় প্রধানের প্রবেশ ।)

পুর। দেবদয়া! তোমায় পাবার আশা আর আমার নাই।
তোমার পিতা আমার নামে বিরক্ত। অভাবে তাঁর স্বেভাব
নষ্ট হ'য়েছে। টাকার লোভে তিনি সেই পাড়াগেঁয়ে চাষাটার
হাতে তোমায় তুলে দিতে ব'সেছেন—নিজের মান সম্রমের
দিকে চেয়েও দেখছেন না।

দেব। তা তো দেখছি! কিন্তু কি হবে পুরপ্রিয়? কোন
উপায় নাই কি?

পুর। আমি তো কিছু দেখতে পাই না। তুমি যদি
পারো তো দেখ্।

দেব। আমি কি দেখবো? আমি রমণী—কেবল ভাল
বাসতেই জানি! প্রাণ দিয়ে ভাল বাসতেই জানি।

পুর। তা জানি। কিন্তু তোমার পিতা তো তা বুঝছেন না।

দেব। তিনি বিপদগ্রস্ত—তাঁর সমস্ত সম্পত্তি পরহস্তগত
হ'তে যাচ্ছে। এ দয়ি থেকে তুমি তাঁকে মুক্তক'র্ত্তে পারোনা?

পুর। দেবদয়া! তা পাল্লি কি আমি স্থির হ'য়ে থাকতাম?

আমার ব্যবসা বাণিজ্যের সমস্ত দ্রব্যজাত বিক্রয় ক'লেও তাঁকে
এ দায় হ'তে উদ্ধার ক'তে পারি না।

দেব। তবে কি হবে ?

পূব। যে আগুন উভয়ে জ্বলছি, তা নিভাই এস। আমি
তোমার সুবিধার জন্য আজীবন কঠোর কুমার-ব্রত অবলম্বন
ক'তে চেষ্টা করি, আর তুমি তোমার পিতার সুবিধার জন্য
পরহস্তে আত্মসমর্পণের উদ্যোগ কর।

দেব। ছি ছি পুরপ্রিয়। যা হবার নয়, তুমি তাই ক'তে
ব'লছো? তোমার আগুন তুমি নিভাতে পারো নিভাও।
আমার আগুনে আমি ছাই হয়ে যাই। (শাম্লীর প্রবেশ)

শাম্। উপায় পেয়েছি। উপায় পেয়েছি। বিয়ে বন্ধের
উপায় পেয়েছি।

উভয়ে। কি উপায় গ্রামালতা। কি উপায় ?

শাম্। আমাদের গ্রামের একটি মানুষ—খুব চালাক চতুর
সকল কাজে দড়, এ. রকম কাজ সে চের ক'রেছে, সেই হেথায়
এসেছে।

দেব। কোথায় সে।

শাম্। এই খান্নেই আছে, আমি তাকে সব কথা ব'লেছি,
বগেন তো ডাকি।

পূব। ডাক'না।

(শাম্লী কর্তৃক সঙ্গিত ও রংরাজের প্রবেশ।)

রংরা। নমস্কার মশাই।

পূব। আমাদের বিপদের কথা গ্রামালতার মুখে বোধ হয়
গুনেছ।

রংরা । বোধ হয় কেন—ঠিক শুনেছি । একটা মৎলবও
ঠাওরেছি । আপনাদের কাছাকাছি কোন চিকিৎসকের
বাড়ী আছে ।

পুর । আছে—কেন ?

রংরাজ । তা পরে বলছি । সে সর্লশরণদ্বীমন্তকে আমি
জানি—তাকে ঠিক ঠকিয়ে দেবো । তবে আমি, আপনি, ইনি
আর আমাদের শামা—চার জনকেই একটু খাটতে হবে ।

পুর । তা খাটবো ।

রংরা । কিছু খরচ চাই । আমি কিছু চাই না, আমার শুধু
কাজের আয়োদ । কিছু খরচ ক'র্তে হবে ।

পুর । তা কর্লে ।

রংরা । তবে চলুন—যাকে যা ক'র্তে হ'বে—ঠিক কোরে
দিই না ।

(সকলের প্রস্থান)

(অন্যদিক হইতে শুভকান্তি, অনাবিলা ও পুররমণীগণের প্রবেশ)

শুভ । কি আশ্চর্য্য ! মানুষটা এলে উৎসব আরম্ভ হবে, অথচ
এখনও তার দেখা নাই । শুন্লেম ধর্মশালায় এসে পৌছেচে ।

অনা । খপর পাঠালে হয় না ।

শুভ । খপর পাঠাতে হ'লে আজ আর উৎসব হয় না ।

বিশেষ্য আমরা তাকে খপর পাঠাবো কি ? সে আপনি এসে উপ-
স্থিত হ'লে । আমার বংশে যে তার মত লোক বিবাহ ক'র্তে
পাবে—এই যুগেই ।

অনা । তা বটে । লোক পাঠালে মনে কোর্তে পারে
আমরা তাকে বেনী খাতির ক'র্তি ।

শুভ্র । ঠিক তো ! তাঁর মনে থাকা চাই যে—সেই যেন উপরোধ অধরোধ কোরে আমাদের এই বিবাহে সম্মত ক'রেছে ।

অনা । তা'ত চাইই—নইলে যে মাথায় চ'ড়ে ব'সবে ।

শুভ্র । তার যেন টাকাই আছে—বংশমানে সে তো আমার হাঁটুর নিচে থাকে ।

অনা । তা তো থাকেই—হাজার হোক—চাবী তো ?

শুভ্র । আঃ ঐ কথাটা মনে হ'লে—গা-টা যেন কেমন কোরে ওঠে ।

অনা । তা উঠলে কি হবে বল—এদিকে যে দেণায় চুল বিজ্রি হ'য়ে আছে ।

শুভ্র । আঃ চুপ কর না ।

(ছদ্মবেশে রংরাজের প্রবেশ ।)

রংরা । মহাশয় নমস্কার ! আপনিই কি শুভ্রকান্তি শ্রেষ্ঠী ?

শুভ্র । হাঁ । কেন ?

রংরা । আজ্ঞে—আমি সর্বশরণশ্রীমন্তের কর্মচারী । আপনাকে একটা সংবাদ দিতে এসেছি ।

শুভ্র । কি সংবাদ ?

রংরা । এখানে এই সময়ে উৎসবের তাঁর কথা ছিল ।

শুভ্র । ছিলইতো ? কোথায় তিনি ?

রংরা । এই মহরের ধর্মশালায় । কাল একটু অধিক মাত্রায়—না-না সে কথা না—হঠাৎ প'ড়ে গিয়ে আজ প্রাতে তাঁর পায়ে একটু আঘাত লেগেছে, আর সেই স্বত্রে না-না সেই কথাও না ।

শুভ্র । কি কথা না ?

রংরা । আজ্ঞে ঐ অধিক মাত্রায় যেটা সেবন ক'রেছিলেন

সেই কথাটা আরু প'ড়ে যাবার পর বরাবর যেমন তাঁর বায়ু-
রোগের ঠোঁক আছে, সেই ঠোঁকটা হবার কথাটা ব'লতে
বারং ক'রে দিয়েছেন । ব'লেছেন আপনি দুঃখিত হবেন না,
একটু আরাম হ'লেই এসে দর্শন দেবেন ।

শুভ্র । এসব কি কথা ? অধিক মাত্রীয় সেবন—বায়ুরোগ—
এসব কি কথা ?

অনা । তাইতো ? মাতাল পাগল ছ-ই নাকি ?

রংরা । আজ্ঞে না, সেটা কিছু মনে ক'রেন না । উদ্বেগে
হঠাৎ আমার মুখ থেকে—যাইহোক আসি মহাশয়—নমস্কার,
আমায় আবার চিকিৎসক নিয়ে যেতে হবে ।

[প্রস্থান ।

শুভ্র । একি ব্যাপার ?

অনা । তাইতো ?

শুভ্র । যা হয় পরে বিবেচনা করা যাবে—এখন উৎসব আরম্ভ
ক'রে দেওয়া যাক ; সকলের কুঞ্জেই আরম্ভ হ'য়েছে ।

(কুঞ্জদ্বার মোচন—কুঞ্জমধ্য হইতে সুসজ্জিতা যুবতি-)

গুণের গান করিতে করিতে প্রবেশ)

(গীত)

মৌরা—কোকিল-কুজিত-কানন-কুঞ্জে

মদনোৎসব-মোহিতা ।

এস—কে আঁছ' কোথায়, কোমলা কলিকা—

প্রিম-পিয়ূষ-পূরিতা ।

হেথা—ফোটে ফোটে হোলে ছুটে আসে বার,
 লুটে নিয়ে বাস্ চৌদিকে বিলায় ;
 বাসে মাতুষরা, আসে মধুচোরা,
 সলাজে শিহরে ললিতা ।

শুভ্র । চল কয়েকটা নিমন্ত্রণ রক্ষা কর্ত্তে হবে ।

(প্রস্থানোপক্রম সময়ে পশ্চাদিক হইতে জ্বরবেশে
 রংরাজের প্রবেশ)

রংরা । মহারাজ ! শুভ্রকান্তি শেঠিয়া মহারাজকে মোকান
 কাঁহা আপ্ ব'ল্‌নে সেক্তা ?

শুভ্র । কাঁহে ?

রংরা । মেরা কুছ জরুরং হায় !

শুভ্র । মেরা নাম শুভ্রকান্তি শেঠিয়া ।

রংরা । সচ্ ?

শুভ্র । হাঁ । কেয়া জরুরং বোলো ।

রংরা । সর্বগরগ শ্রীমন্তকা সাং আপ্‌কা লেড়ুকিকো বিয়া
 হোনে যাতা ।

শুভ্র । কাঁহে ?

রংরা । ওস্‌কা পাং জহরাংকো ওয়াস্তে মেরা দশতাজাং
 রুটপয়া পাওনা হায় । বরয যুমগিয়া, নেহি দেতা—

শুভ্র । কাঁহে—হাম্‌ শুনা উস্‌কা বহং রোটপয়া হায় ।

রংরা । কোন্‌ বোলা ? ভট্‌ জ্যাচোর । এক কোঁড়ি ওস্‌কা
 অওকাত নেহি । হাজারো বেনিয়া কো ঠক্‌লায়্‌ । সব কইকো
 বোলুতা, আপ্‌কো লেড়ুকিকো সাং বিয়া হোনেসে বহং রুটপয়া
 জায়গা জমিন মিদ্‌ যাগা । ওহি ওয়াস্তে হাম্‌ খবর লেনে আয়া ।

শুভ্র। সব ঘুটা ! হাম্ কুছ নেহি জুস্তা ।

রংরাজ। জী ! মহারাজ ! হামরা মনমে বি. এয়ায়সা হয়।
দেখা যাগা—বুটা কো কেয়া হাল হোয় ! হাড়ি তোড় তোড়কে
কুলাকো খেলায় দেখা ! [প্রস্থান ।

শুভ্র। বেটা কে গো !

অনা। তাইতো ; এযে সৰ্ক গুণের গুণমণি । ভাগ্যে টের
পকওয়া গেল—নইলে তো একেবারে মজিয়ে দিয়েছিল ।

শুভ্র। উঃ—এমন জোচোর—

অনা। আর ভাবলে কি হবে বল ! মনে করা গেছল', বিষয়
আশয় গুলো উদ্ধার হবে, মানসম্মত বজায় থাকবে, তা দেখছি
হ'লো না ।

শুভ্র। দেখা যাক—ছনিয়ায় কি ভাল কেউ নেই । 'অবশ্য
আছে । পরমেশ্বর একটা না একটা উপায় ক'রবেনই । চল !—
[উভয়ের প্রস্থান ।

—*—

দ্বিতীয় দৃশ্য ।

চিকিৎসকের বাটীর সম্মুখ ।

(বাটী মধ্য হইতে পুরপ্রিয়ের প্রবেশ ।)

পুর। 'রংরাজের পরামর্শ মত তো—চিকিৎসকে সমস্ত
বুঝিয়ে পড়িয়ে রাখ'লুম । এখন 'মানুষটা এলে' যে হয় । ঐ

বুঝি আসছে—হাঁ ওইই বটে । আগ'লো পেছনে একপাশ ছেলে,
বুড়ো জুটে ছুটে আসে কেন ? ওঃ—ওর চলবার ঢং আর
পোষাকের বাহার দেখে—সহরে মানুষরা ঠিক বুঝে নিয়েছে—
বেটা পাড়াগেঁয়ে সঃ, তাই ঠাট্টা মকরা কোর্তে কোর্তে পাছু
নিয়েছে ।

(সর্বশরণ শ্রীমন্তের প্রবেশ ।)

সর্ব । (পশ্চাতে চাহিয়া) ছরু হতভাগা বেটারা ছরু ।
আমি কি সং লাকি ? মরু বেটারা ! তেবু এগিয়ে আসে । এক
নাটিতে মাথা ফেটিয়ে ফেলাবো—জানুস ?

নেপথ্যে । (হাততালি) হাঃ-হাঃ-হাঃ হোঃ-হোঃ-হোঃ
হিঃ-হিঃ-হিঃ !

সর্ব । মরু বেটারা—আবার হাস দিচ্ছে । জানুস বেটারা
হাসুস ক্যা ? তোর সউরের গুটির পায়ে পড়ি, সোরে যা
বেটারা সোরে যা । আমায় পাগল পালি লাকি ?

পুর । তাই ত ? তোমরা তো বড় অসভ্য শা ! ভদ্রলোক
তোমাদের কি কোরেছে যে তোমরা ওর পাছু লেগেছো ?
যাও—চ'লে যাও নইলে এখনি পাহারাদারদের ডেকে
দেবো ।

সর্ব । অঃ বাচ্চলুম । আপনি ভদ্র নোক বটে । বেটারা
আমায় থা পাততে দেচ্ছেল নি ।

পুর । আপনার নাম কি ?

সর্ব । আমার নাম সর্বশরণ ছিরিমন্ত । আমি ছোট লোক
নই । ছেটির জামাই হবার লেগে আসছি ।

পূর। আপন সর্কশরণশ্রীমন্ত মৃশায়। তা আমি যে
আপনার ডাবি শস্তর মহাশয়—

সর্ক। হা গুভুর কান্তি ছেটি আমার শস্তর মশাই হ'বেক !
তা—শস্তর মশাইয়ের কথা কি বলছিলে ?

পূর। তিনি এই বাসা আপনার কন্তে স্থির ক'রে দিয়ে-
ছেন। আমি তাঁর পরমাখীষ—আপনার উপযুক্ত সম্বর্দ্ধনার
জন্য আমায় নিযুক্ত করেছেন।

সর্ক। উপযুক্ত—কি ?

পূর। উপযুক্ত সম্বর্দ্ধনা।

সর্ক। সম্বর্দ্ধনা—কি ?

পূর। এই যাতে আপনার কোন কষ্ট না হয়—বেস্ব স্থখে
স্বচ্ছন্দে থাকেন—

সর্ক। অ-অ বোজ্লাম ! তা এখানে ঐ সতরে বানর ওলা
আসবেক লাতে ?

পূর। সাধ্য কি ? আমি আছি—


(বাটীমধ্যস্থ হৈতে চিকিৎসকের প্রবেশ ।)

এই ইনি আছেন—চাকর-বাকর আছে—সর্কদা আপনার
তদারক হবে।

চিকিৎসক। আপনার কোন চিন্তা নাই। মানুষকে স্নেহ রাখাই
আমার কার্য।

সর্ক। (স্বগত) এজন বোধ হয়—শস্তর মশায়ের কোনো
উদ্বোধনের কামনা নাই।

পূর। আমি এঁরুই একটু প্রয়োজনে চ'ল্লেম। দেখবেন
মশাই কোন কসুর না হয়।



চিকি । এতটুকু কুসুর থাকতে আমি ছাড়ব' না । আমায় জানেন্ তো ?

পুর । তা জানি । আমি তবে এখন আসি ।

[প্রস্থান ।

সর্ক । আমার লেগে আপনি বেশী ব্যস্ত হও না ।

চিকি । কর্তব্য কার্য সাধনে—আমি সর্বদাই ব্যস্ত থাকতে প্রস্তুত ।

সর্ক । তবে—চলেন—বাড়ির মধ্য যাই ।

চিকি । ভিতর অপেক্ষা এই বহির্দেশই আপনার উপযুক্ত ।

সর্ক । ক্যানে ?

চিকি । এস্থানটি বড় শীতল ।

সর্ক । ভিতরেও শীতল ক'রে লিলে চল্বেক্ তো !

চিকি । তা হোক—এখন এইখানেই বসুন । ওরে—তিন খানা চৌকি দিয়ে যা—আর নরসুন্দরকে ডেকে দে ।

(চৌকি লইয়া ভৃত্য ও নরসুন্দরের প্রবেশ ।)

আপনি এই মধ্যস্থলে বসুন—আমরা দুই পাশে থাকি—কার্যের সুবিধা হবে ।

(উপবেশন)

সর্ক । কার্য আবার কি ? তামুক-টামুক আমি খাই না ।

চিকি । সে তো আপনার খাওয়া উচিতই নয় ।

সর্ক । ঠিক কথা—ঠিক কথা—হা হা হা—বিশেষ বিয়ের লেগে যখন আসছি—তখন এ সওরটাই আমার শউর বাড়ি—আর সব জনই তো আমার শউর । হা হা হা কেমন ?

নরক বেসা' (জনান্তিকে চিকিৎসকের প্রতি) বাই
চেগেছে—এই সময় !

চিকি। (জনান্তিকে) না, না, একটু অপেক্ষা ! নাড়িতে
পরীক্ষা করা যাক । দেখি—আপনার হাত দেখি ।

(উভয়ে সর্বশরণের উভয় হস্ত ধরিয়া নাড়ি দেখা ।)

সর্ব। এ আবার কি ?

চিকি। আপনি আহার করেন কি পরিমাণ ?

সর্ব। ওঃ আহারের কথা ? তোমাদের সওরে, হাতের
নারি টিপে—তেবে খাওয়ার হিসেব হয় লাকি ?

চিকি। হাঁ। যা জিজ্ঞাসা কচ্চি—তাই বলুন । আহার
করেন কত ?

সর্ব। এটা ব্যাংগালে নাগাভি পারে লা ।

চিকি। (জনান্তিকে) অধিক আহার একটা পাকা উষ্মসর্গ ।
আচ্ছা নিদ্রা যান কেমন ?

সর্ব। নিদ্রে ৫ প্যাট ভোরে খাওয়া হইলেই ভোঁন্ ভোঁন্
নিদ্রে ।

চিকি। স্বপ্ন দেখেন ?

সর্ব। কদাচৎ কওনো ।

চিকি। কি রকম স্বপ্ন দেখেন ?

সর্ব। কি রকম স্বপ্নে দ্যাখি ? এসব কথা হচ্ছে ক্যানো ?

চিকি। একটু চুপ কোরে থাকুন । আমরা আপনার
স্বপ্নেই সমস্ত কারণ নির্দেশ কোরে দেখাবো ।

সর্ব। কিসের কারণ ?

চিকি । কারণ এই যে—শোনহে নরসুন্দর ! এব্যাদি
কয়প্রকার—

মত্ত মত্ত মহামত্ত গজিকা চরমো গুলি,
সৌভিকস্য জলে মত্ত শেখাশরৌ নয়াঞ্জুলি

নর । (ঘাড় নাড়িয়া) অবগ্ন অবগ্ন ।

চিকি । তারপর —

কাম ক্রোধ লোভ মোহঃ মদমত্ত যে বা নরঃ ।
বসুকরা ভার ভ্রষ্ট হৃষ্ট নষ্ট সে বানর ।

নর । (ঘাড় নাড়িয়া) অবগ্ন অবগ্ন ।

চিকি । সূতরাং তাদের পক্ষে —

• মুষ্ঠাঘাত পদাঘাত বেত্রাঘাত প্রয়োজন ।
ভদন্তরং বন্দীকৃত্য গ্রীবাপৃষ্ঠ প্রকুড়ন ॥

নর । (ঘাড় নাড়িয়া) অবগ্ন অবগ্ন ।

সর্ব । এ সব কি বাজে বক্ছে । ভাল জ্বালাতে দেখি ?

চিকি । ক্রোধের উপক্রম । উত্তম উপসর্গ ।

সর্ব । ছঃতোর আপদ । (নিষ্ঠীবন নিক্ষেপ)

চিকি । নিষ্ঠীবন নিক্ষেপ । অতুত্তম উপসর্গ ।

সর্ব । এ সব ভাঙ্গ লাগছে না—আমি উঠে পড়বো ।

চিকি । পলায়নের চেষ্টা—সর্বোত্তম উপসর্গ ।

সর্ব । উপসর্গ উপসর্গ কি বলছে হ্যা ? আগায় দিয়ে
ক করতে চাও ?

চিকি । আপনাকে রোগমুক্ত কোর্ক ।

সর্ব । • রোগমুক্ত ?

চিকি ।

সর্ব্ব । আরে মোণো আমার রোগ কোথা ?

চিকি । রোগ অনুভব কোর্তে না পারা রোগীর একটা মন্দ চিহ্ন ।

সর্ব্ব । আরে আমি বলছি আমার রোগ লাই ।

চিকি । তুমি বোলে কি হবে ? আমরা চিকিৎসক, আমরা দেখছি রোগ ?

সর্ব্ব । তোমরা চিকিচ্ছক ? আমার বাপ মা ও তোমাদের কলা দেখিয়ে গেছেন আমিও এই কলা দেখাচ্ছি ।

চিকি । নরসুন্দর ! আর কেন ?

নর । (ছুঁচ লইয়া) আমি প্রস্তুত আছি ।

সর্ব্ব । একি ছুঁচ কেনেরে ?

কিকি । চিকিৎসার জন্তু ?

সর্ব্ব । কিসের চিকিচ্ছে ?

নর । পাগলের ? পাগলের ? বাঁ কোরে ঘাড়টা ফুঁড়েদি কিছু লাগবে না ।

সর্ব্ব । আরে মোলো বেটারা বলেক কি ?

নর । কিছু ভয় নেই, আমার খুব হাত সেট আছে, পলায়
য়ে—ধকুন না—ধকুন না ।

সর্ব্ব । হট শালারা—হট—যার ফুঁরবি কীরে ?

(পলায়ন)

সর্ব্ব । চট কোরে ফুঁড়েদি—দাঁড়াও চট কোরে ফুঁড়েদি
দাঁড়াও ।

চিকি । ওরে কণী পালায়—কণী পালায় ধরু ধরু ধরু ।

[পশ্চাতে বেগে প্রস্থান ।

‘তৃতীয় দৃশ্য’ ।

(গুল্লকাস্তি শ্রেষ্ঠীর বাটির সম্মুখ ।)

(নিজ বেশে রংরাজের প্রবেশ)

রংরা । এই দিকেই আসচে । এ পথ ছাড়া অন্য পথে যাবার
যো নাই । পাশের গলিকে লুকিয়ে প’ড়েছে দেখে
এসেছি । গলি পেরুলেই এই খানে ।

(ক্রতপদে সর্বশরণের প্রবেশ)

সর্ব । ছতোর সওয়ার মাথায় লাগোরা জুতার বারি মারি ।
বেটারা, সত্তি পাগলা বানিয়ে তুলে ছ্যালো ! বলে ঘর
ফুরে দিবেক !

রংরা । শ্রীমন্ত মশাই নমস্কার ! কি হ’য়েছে ?

সর্ব । আবার তুমি কে বট চা ? সওয়ার কোন বিটাকে আর
আমি বিশেষ করি না ।

রংরা । আমার চিন্তে পাচ্ছেন না । আমি যে আপনার
স্বদেশী ।

সর্ব । স্বদেশী টদেশী বুকিলা ! পথ ছাড়া, সরে পড়ি । বিটারা
পাছু পাছু তারা করেছে ।

রংরা । কারা তাড়া ক’রেছে ? আমার খলুন না, দেখি তারা
কেমনে আমার স্বদেশী বড় লোককে তাড়া কর—
তাদের মুণ্ডুপাত ক’রে দেবো না ।

সর্ব । আরে কি বলুন ? তারা চিকিচ্ছেওলা—বুলে আমি পাগল,
আমার ঘর ফুরে দিবেক । তাই দে ছুট !

রংরা । আপনি সে বেটারের কাছে গেলেন কেন ?

সর্ব । আরে বাঃ আমি কি গিছি ? এক বেটা ভদ্র নোকের
 হাত—বল্লে, এই খানে তোমার বাসা হ'য়েছে । আমি
 কি জানি সে গোটা সউরে জোচ্চর ; চিকিচ্ছে ওলাদের
 হাতে অমায় দিয়ে যাবেক ! সউরে ওলাদের
 বিশ্বাস লাই—এরা সব পারে, সব পারে—মরাকে জ্যান্ত
 কর্তি পারে, জ্যান্তকে মরা কর্তি পারে ! তুমি ক্যানে
 বাপু পথ আটকাচ্ছ ? ছাড়ান দ্যাও, তুমি কি আবার
 কোন বিপদে ফালবাব যোগারে আছ ?

রংরা । আহা হা—আমাকে চিন্তে পাচ্ছেন্ না ? আমি যে
 আপনাকে খুব চিনি ।

সর্ব । আচ্ছা আমি কে কও দেখি ?

রংরা । আপনি সর্বশরণ শ্রীমন্ত ।

সর্ব । বারি—?

রংরা । উজুইন্ !

সর্ব । আমি কি অবস্থার নোক কও দেখি ?

রংরা । আপনি গ্রামের একজন রাজা ব'ল্লেই হয় । আপনাকে
 আমি কি আজ চিনি ? যখন—সব প্রথম—সেই নাম
 শুনে কোরে—

সর্ব । ঠাউ ঠাউ সে কথা যাক —

রংরা । গরুর লাজ ম'লতে ম'লতে—

সর্ব । হ-ই তুমি আমার চেনো ! সে আগেকার কথা, ছারান
 দ্যাও ।

রংরা । আচ্ছা দিলুম । তা, এ মহরে কি মনে কোরে আশা
 হ'য়েছে ?

- সর্ব। এখানকার শুভ্ভুর কান্তি ছোট্টেক'জাঝো ?
- রংরা। খুব জ্ঞানি !
- সর্ব। তারি মেয়ের সাথে আমার বিয়ে হবার লগে আসছি ।
- রংরা। শুভ্ভুর কান্তি শ্রেষ্ঠীর মেয়েকে বি-য়ে-ক'তে ?
- সর্ব। হাঁ বিয়ে ক'তে ।
- রংরা। বিয়ে না আর কিছু ?
- সর্ব। আর কিছু কি রকম ।
- রংরা। না তাই বলছি । তা যাক ওকথায় আর কাজ নেই ।
- সর্ব। কথটা কি বল ?
- রংরা। না থাক কথা কিছুই না ।
- সর্ব। অবিশ্যি কিছু আছে । বলহ ।
- রংরা। উ'ছ' কিছু না—হঠাৎ কি বলতে কি বলছিলুম ।
- সর্ব। তা হচ্ছেনা, অবিশ্যি কি কথা আছে, কইয়া ফালাও হে !
- রংরা। আমার মা'প করুন—আমি কিছু বলবোনা ।
- সর্ব। কওহে—কইয়ে ফালাও ! এক গেরামের নোক কানে
চাপছো ?
- রংরা। চাপছি কি আর মা'ধে ? একটা শুভ্ভুর লোকের অপবাদ
দেওয়া কি ভাল ?
- সর্ব। হাদে ভাই ! এই আংটি নাও, আমারে কইয়ে ফালাও ।
- রংরা। তাইতো—আচ্ছা আমার একটু বিবেচনা ক'তে গিয়া
(কিছু দূরে গিয়া) (সর্বের গণ শুনিতে পায় এমন ক্ষণে)
কি করি ? শ্রেষ্ঠীর সর্বস্ব বাঁধা প'ড়েছে, তাই এই পাড়া-
গে'য়ে বড়মানুষের হ'তে মেয়েটাকে গতিয়ে দিয়ে বিয়ন
আস'য়ে ওলো উদ্ধার ক'রে নেবে—তার পর ম'তুই

শালা । ইনি মনে ক'ছেন, বড়ঘরের মেয়ে বিয়ে
ক'রে সহরে বড় লোকের সমাজে পাঁচলনের একজন
হ'য়ে থাকবেন । দেশের লোক—কি করি ? না ব'লেও
ভাগ দেখান না । যা হোক এক রকম ঘোরপ্যাঁচ
ক'রে বুঝিয়ে দিই, তাতে বোঝেন বুঝুন ।

সর্ব । হ্যাঁবে ক'ইনা হে ?

রংরাজ । দেখুন আমি খুব কড়া ক'রে বলতে পারি না—নরমে
নরমে বোলব, বুঝে নিতে হবে । একেবারে যদি ব'লে
ফেলি যে মেয়েটার চরিত্র মন্দ, তা হ'লে অন্যায় করা
হয় ; তবে এই পর্য্যন্ত বলতে পারি যে মেয়েটা বড়
বেহায়া, গৃহস্থ ঘরের উপযুক্ত নয়—কুলের কুলবধূর
মতন নয় ।

সর্ব । অ—বুজ্জি, পাড়াগাঁইয়া পেয়ে আমার মজাবার
যোগারে ছালো ।

রংরাজ । আমার আপনার ভৃত্য ব'লে জানবেন—কোন অপরাধ
মেবেন না ।

সর্ব । অপরাধ তো লবই না, আজ হ'তে তুমি আমার
পরধান ভিত্তা হইলে ।

রংরাজ । তুই যে শ্রেষ্ঠী মহাশয়—এই দিকে আসছেন !

সর্ব । কে । ঐ বুঝ ।

রংরাজ । হাঁ প্রভু ।

(শুভ্রকাণ্ঠি শ্রেষ্ঠীর প্রবেশ)

সর্ব । আপনকার নাম শুভ্ভুর কাণ্ঠি ছেটি ?

শুভ্র । হাঁ ।

সর্ব । নমস্কার ! আমার নাম সর্বশরণ ছিমন্ত ! হাঁ মশায়—
আপনি কি মনে করেন—উজ্জ্বলীর্ণ গোল্লা মনিষ্য-
শুলা—সর্ব লিক্খোধ-বাদর !

শুভ্র । তুমি কি মনে কর—মগধ রাজধানীর শ্রেষ্ঠীশুলা সর্ব
গর্দভ !

সর্ব । আপনি কি বুঝেন—আমার মত মনিষ্যরা ইন্দিরী
পরিবার পাবার লগে পাগল !

শুভ্র । তুমি কি মনে কর, তোমার মত একটা মাতাল উন্মাদকে
আমি কত্য়াদান কোর্টে অগ্রসর ?

সর্ব । আমারে যে উলমাদ বলে সেই উলমাদ !

শুভ্র । তোমারই কর্মচারী এসে ব'লে গেছে, আর তোমার
জন্তে চিকিৎসক অনুসন্ধান ক'ছে !

সর্ব । সব জুচ্চুরী—সব জুচ্চুরী—কর্মচারী আমার লাই,
আর চিকিচ্ছেওয়ার মুখে লাগোরা জুতার ধারি
মারি ।

শুভ্র । তা মেরো । কিন্তু এক জহরীর আর কতকগুলি
বেনিয়ার রাশিকৃত টাকা ফাঁকি দিয়ে—বিয়েরদিন শোধ
ক'র বলাটাও মিথ্যে নাকি ?

সর্ব । কে বোলে ?

শুভ্র । সেই জহরী নিজে এসে বোলে গেছে ।

(প্রথম জীলোকের প্রবেশ ।)

প্র-স্ত্রী । হাদে এই যে পোড়ামুয়া ! ওরে বাদর—ওরে বেইমান
ওরে ছুচা—ওরে প্যাচা, লুকায়ে লুকায়ে ফাঁকি মেরে
পলায়ে কি বাচ্চিলি ! ধরী পরলিনি ! সব খপ্পর রাখছি ।

‘বিয়া কর্তে আসছে ? গলায় লসুড়ী বেধে গিয়ে যাব
তজ্জামুস্ !’

সর্ব । আ মোলো—এ মাগি কি কয় ।

প্র-স্ত্রী । ইয়া মাগি কি কয় ? কি কয় শোনুবা ? এই ভদর
লোকেরা শুনু ! হাদে মুশয় । এই পোড়ামুয়া পাজির
পাখাড়া জোচ্চোব বেইমানডা আজ পাচ বছর হলো
জামাগোব গেরামে পউচে, ফুসলায়ে ফাসলায়ে বাপ
মায়ে জানাম না দিয়ে লুকায়ে চিপায়ে আমারে বিয়া
কবছে । তিন বছর বাদে, বল্লো আমার কাম আছে,
দ্যাশে জাতি হবে । কিছু টাকাও দ্যালে । তারপর
সেই যে পলালা—সেই পলালো । বছর গ্যাল, তুই
বছর গাল, দাশ ভানিনা, খুজে খুজে হালাক । শ্রাসে
উজুয়িনীর একটা গেরামে শোনলাম, পাজি এই সহরে
বিয়া করতে আসছে, ছোটলাম পাছ পাছ—ত্রাহন
বলে মাগি কি কয় ?

সর্ব । কি কথা ! দাগিটা পাগল লাকি ? যারে বা চিকিচ্ছে
ওলাদের কাছে যা, ষার ফুর দেবেক ।

প্র-স্ত্রী । -তুর লচার ছর ! আমার ষার ফুরে দেবেক কি ? তোর
‘ষার ধোরে আমি এখনি গিয়ে যাব ।

সর্ব । তুই কি বলুসরে, আমি তোর সোয়ামি লাকি !

প্র-স্ত্রী । সোয়ামী লোসতো কি র্যা পোরামুয়া ? বিয়া করছিস
যখন? তখন সোয়ামী লোসতো কি ? ক্যানে আর গোল
করুস, চ’ ? যরকে চ’—তোর গুয়ে পোলাটা বাবা বাবা
কোরে রোজ কাদে চ’—তোরে দেখগে সেটা বেচে যাবে

চ' ওই গাছকানাকে দাঙ্গিয়ে আছে চ' (হস্ত
ধারণেদিয়াগ) ।

সর্ব । আমলো ছর ছর ছুসনি ছুসনি । কি জাত তার ঠকনা
লেই ।

• (দ্বিতীয় স্ত্রীলোকের প্রবেশ)

দ্বি-স্ত্রী । এই বে ! এই যে ! আর যায় কোথা ! মুখ ফেরাচ্ছে
কেন ? ধরা যখন পোড়েছে, তখন এ নূতন বিয়ের আশা
ছেড়ে দিয়ে যবে নিয়ে চল । শুনলুম—চাষ ছেড়ে এখন
অণু বাবসা ধরেছ—তা বেস হ'য়েছে—যে বাবসা টি
করনা কেন

সর্ব । একি ! ভোজবাজী লাকি ?

দ্বি-স্ত্রী । ভোজবাজী না হোলে আর পালানো সোয়ামীকে
ঠিক সময়ে এসে ধোর্তে পেরেছি ।

প্র-স্ত্রী । হ্যান্বে উয়ো ! কি বলছে ? কারে সোয়ামী বলছে ? এ
মনিষিডা যে আমার সোয়ামী ।

দ্বি-স্ত্রী । ছর মাগি ! তুই কে ! আজ আট নয় বছর হলো আমার
বিয়ে কোরেছেন ।

প্র-স্ত্রী । আরে না—পাচ বছর আমার বিয়া করেছেন ।

দ্বি-স্ত্রী । হাঁ তোর মত ছোট লোককে আমার উনি বিয়ে
কোর্তে গেছেন ! আমার গর্ভে তঁর চার পাঁচ ছেলে
হয়েছে জানিস !

প্র-স্ত্রী । আমারও তো ছড়া আছে ! আমার শুয়ে আছে, আমার
নেত্রি আছে ।

দ্বি-স্ত্রী । ও কথাই না ! যা যা সোবে, যা—কেন বাঁটা খেয়ে মর্কি ।

প্র-স্ত্রী । কাঁটা মারে কোন বিটিরে ? এখনি অঁচুড়ে কাগুড়ে
 ছিল ছিঁড়ে বাঁ-পায়ের লাথি মেরে না ফেরায়ে দিব ।
 দ্বি-স্ত্রী । যা বেটা ছোট লোক—যত বড় মুখ তত বড় কথা !
 প্র-স্ত্রী । তুই থামডো বিটি ভাতার-চুরনী ।

(গীত ।)

প্র-স্ত্রী । বাঁজ মেবে তুই উঠছ বাঁনে বল ?
 আম জানছি লাকি এ বাঁজটা তোর—
 শ্বেয়ায়ী লেবার কল—
 আমার শ্বেয়ায়ী লেবার কল ।

দ্বি-স্ত্রী । তোর শ্বেয়ায়ী আবার কে ?
 এ / য আমার শ্বেয়ায়ী—আম'রি আছে, কে-রে ।
 প্র-স্ত্রী । আমায় বিয়ে ক'রেছে উয়ো,
 দ্বি-স্ত্রী । ও তোর সকল কথা ভূয়ো—
 প্র-স্ত্রী । তুই থাম্ থাম্, মুই স'মজে লিচি, কেবলই কথাব ছল,
 ও তোব কেবলই কথার ছল ।
 দ্বি-স্ত্রী । আগান ছল হ'ক, আব যাই হ'ক, তোর ফ'লবে নাকো ফল
 কিছুই ফলবে নাকো ফল ।

প্র-স্ত্রী । বল, পোড়ারমুগা বল—বিয়া করিছন্ কিনা বল,—নইলে
 নখন দিয়ে তে'র চোউখ উপুড়ে লিব ।
 দ্বি-স্ত্রী । সত্য বল—আমায় কি ওকে কাকে, বিয়ে ক'রেছ ?
 সর্ব্ব । আরে ম'লো একি কয় ? আমি কারেও তো বিয়া
 করি লাই ।
 প্র-স্ত্রী । বিয়া কর লাই ? আচ্ছা কেমন বিয়া কর লাই তা
 দেখু'রিতে বিচের হ'লিই বোঝাবা ।

দ্বি-দ্বী । আমি তো এখনি তোমায় ধরিয়া দিমে হাকিমের কাছে নিয়ে যাব ।—

সর্ব । ভাই যাস্, যাস্,—এখন ভাগ্ ।—

(বালক-বালিকাগণের প্রবেশ)

বা-বা । এই যে আমাদের বাবা—ওগো এই যে আমাদের বাবা,
ওগো এই যে আমাদের বাবা ।

সর্ব । আমোলো এ ওলা আবার কে রে ? দূর দূর—যুরে যাব

বা-বা । বাবা—বাবা—বাবা—বাবা—বাবা—বাবা ।

(সর্বশরণের হস্ত পরিচ্ছদ ইত্যাদি ধারণ)

সর্ব । আঃ একি জালা । ছাড়নারে ! ওরে বেটা বেটিরা

ছাড়নারে ! মশাই বাচান গো !

(হস্ত প্রসারণ করিয়া শুল্ককাস্তিকে ধারণের চেষ্টা)

শুল্ক । ছর হতভাগা ছর—এতবড় নষ্ট লোক, আমি কখনও

দেখিনি !

(প্রস্থান)

নেপথ্যে । রুগী পালিয়েছে—রুগী পালিয়েছে—ধনু ধবু—রুগী
পালিয়েছে ।

নেপথ্যে । ঘাড় ফুঁড়ে দেবো—ঘাড় ফুঁড়ে দেবো—কি লগবে
না, ঘাড় ফুঁড়ে দেবো ।—

সর্ব । আরে মোলো, দেই চিকিচ্ছে ওলারা যে (বেগে পলায়ন) ।

বা-বা । বাবা বাবা—বাবা—বাবা ।

(পশ্চাতে হাততালি দিতে দিতে প্রস্থান)

উভয় স্ত্রী । হাঁ হাঁ হাঁ হেসে বাঁচি ।

রংরা । বেস, ক'রেছিস, পুরো বকসিস পাবি ।

(প্রশ্ন)

(উভয়ের হাসির গান)

আগরা—আয় ছুজনে হাসি ।

হাসি—কেন হাসি আর কিসে হাসি—আয় বুঝ দেখি আর হাসি ॥

কাবোর—সুখ পেখে কই, কজন হ'সে ভাই,

ছুখু পেখে অনেকে হাসে, তাইতো দেখতে পাই ;

আগাদের—তাই মুখে এই হাহা হা হা হা, ফুটেছে হাসির রাশি ॥

যখন ভাল লোককে ঠেকেতে ঠকিয়ে যায়,

কজন কোথায় তার অশ্রু, কোরে হবে হাসি হার ;

সবাই মুচকে হাসে, মুখ ফিরিয়ে মনের সুখে ভাসি ।

পিছলে কাকর ঠাং ভাঙ্গে—ক

মুখে ধবেনা হাসি ॥

(প্রশ্ন)

চতুর্থ দৃশ্য ।

(নিভৃত স্থল—দূরে রাজপথ)

(সর্কশরণ ও রংরাজের প্রবেশ)

সর্ক । এদেশে আগে ফ'সী—তার পর বিচার ।

সর্ক । তা তো বোঝানাম—দুইটা মাগি, মিছে কথা পরমান
ক'র্ষে কি কোরে ?

রংরা । ওরা শুনছি নাকি, সাগী সাবু ঠিক যোগাড় কোরে
নাসিস কোর্টে গেছে ।

সর্ক । এ কি গ্যারো—বলতো ভিত্তা !

রংরা । গেরো নয় ? আপুনার এখানে আসিই উচিত হ'ল নাই ।
আপনি নিজের দেশের রাজা, আপন গায়ের মোড়ল—
এ ছাই সহরে এসে বাজে বিপদ কিনলেন কেন !

সর্ষ । সাধে কি আসছিলাম ! এক বিয়া কর্তার লগ্নিই তো
যত কষ্টে বেধে উঠলো । এখন কি করা যায় ।
বলতো ভিত্তা !

রংরা । কর্কেন আর কি ! স্বদেশে বেগে প্রস্থান ।

সর্ষ । তা—তাই চ !

রংরা । 'চ' বলেই কি 'চ' হ'ল ! এতক্ষণ পথের মোড়ে মোড়ে
আদালতের লোক দাঁড়িয়ে গেছে । দেখতে
পেলেই ধোবে নে যাবে ; আর ধলেই ফাঁসী, তারপর
বিচার ।

সর্ষ । এ দাশে কি ছুইটা বিয়া কেউ করে না !

রংরা । বিয়ে করা দূরে থাক—নাম কোন্সেই ফাঁসী । বিশেষ
এদেশে লোকেরা উজ্জ্বলিনীর লোক পেলে, অত্যাচার
না কোবে ছাড়ে না—তা তার দোষ থাক আর নাই
থাক—এতো আপনি দোষী !

সর্ষ । আমায় ছুয়ী বলে কে ?

রংরা । সে কথা যেন আমি বুঝলুম ! অপরে 'ত' এখানে ছুতো
পেলেইয় । ঐ বুঝি কারা আসছে ।

সর্ষ । তাইতো—তবে পলাবার যোগাব হয় কামনে !

রংরা । আমি একটা যোগাড় কবেছি ।

সর্ষ । করছিস্ ! ব্যাস—তুই যে আমার পরধান ভিছু, যোগার
টাকি ক'দিবিস্ !

রংরা । একটু কষ্ট হবে কিন্ত !

সর্ব । জ্বায়ে মরার চেয়ে তো আর মর ।

রংরা । তা নয়, তবে কিনা একটা জানোয়ার সাম্রতে হবে ।

সর্ব । জানোয়াবজাব ক্যা !

রংরা । জানোয়ার সাজিয়ে সহরের বাত কেন্দ্রে নিয়ে যাবো ।

কেউ টের পাবে না । ধরাও পোড়বে না—ফাঁসীও হবে না । ঐ বুঝি কাবা আসছে ! আপনি ঐ ঝোপটার ভেতর গিয়ে লুকিয়ে থাকুন, আমি এদিক ওদিক চাট্‌দিক দেখে যাচ্ছি ।

(সর্বশরণের প্রস্থান)

রংরা । হাজার খানেক না নিয়ে বেটাকে ছাড়ছি না । ওর কাছে হাজার, এদেব কাছে হাজার, আর চাই হাজার, নেয়ই বা কে, পাই বা কোথা ? যেই হোক দেওয়াও চাই, পাওয়াও চাই । এই যে ঘুগল মূর্তি আসছে । কথাটা একবার পেড়ে রাখা ভাল ।

(দেবদয়া ও পুরপ্রিয়ের প্রবেশ)

পুর । এই যে, তারপব কি হ'লো ?

রংরা । এইবার দেশত্যাগ ।

দেব । ক'রকম হবে ?

রংরা । চায়া বেটাব অদ্ভুতই ভাল—মুক্তিতে কিছু নেই । ও ঠিক আসছে, এখানে থাকলে ফাঁসী কাঠে বা লুতে হবে ।

পুর । বিশেষ এদিকে যখন কোন আশা নেই, হেথা আর থেকেই বা কি ক'র্বে ?

রংরা । আশারি কথা ব'লছেন, তা বড় ঠিক নয় । যে মৎলবে

নাট্যরঙ্গ ।

৩৭

হবু জামাই আর হবু শত্রুর ছপকেরই সফা ক'রেছি,
সেই মৎলবে আবার ছপকেরই আশা জাগিয়ে তুলতে
কতক্ষণ ?

দেব । না-না রংরাজ ! তায় আর কাজ নেই । তুমি আমাদের যে
উপকরণ কোচ্চ, এ জন্যে আমরা তার শোধ দিতে
পারিনা ।

রংরা । তা পারেন !

দেব । কিগে পার্ক—টাকা কড়ি দিয়ে ?

রংরা । আজ্ঞে না—আমিষ্ঠো ব'লেছি—টাকা কড়িতে আমার
কাজ নাই । আমার অনুরোধ—আপনাদের কার্য শেষ
হ'লে আমার একটি বিয়ে দিয়ে, আমার ঘর-সংসারী
ক'বে দেবেন—আর হুঁলো হুঁলো কো'রে বেড়াতে
আমার ভাল লাগেনা ।

পু । নিশ্চয় তা কোর্ক ।

রংরা । বিশেষ ক'নের জন্তে ভাবতে হবেনা—ক'নে আপনা-
দেব ঘরেই আছে ।

দেব । কে ? কে রংরাজ !

রংরা । কে আর ? এই যে যিনি গজেক্সগমনে আসছেন ।

দেব । বটে ? (শাম্লীর প্রবেশ) ও শামা ! রংরাজকে
বিয়ে ফির্তে চায় ।

শাম্ । অমন অনেক চায় ।

রংরা । আমার মতন কেউ চায়না ।

শাম্ । তুই যা—তুই যাদের চাকরের জুগিয়া নোং—তারাত
চার ।

রংরা । তুঁরা চায় পুতুল খেলার জন্যে—তুঁ দিন খেলবে—তার
পর ভেজ্জে ফেঁকে দেবে ।

(গীত)

বংরা । সমানে সমানে না হ'লে মিলন—থাকেনাকো চিবকাল ।
বড়তে মিলিতে ছোট যদি যায়, তুঁ দিনেতে হয় হাড়ির হাল ॥

শাম । ও কথা শুনিয়া—ও কথা বুঝিয়া—

সোনার তো হীরে বসে রে ।

যে সোনা সে সোনা—আর সে কিছু ন—যথানি সে হীরে থাকে রে ।

যতনে রাখিলে খসিলে সে কেন—

পাকা যদি হয় ঝাল ।

বংরা । কত পাকাঝাল কাঁচা হ'য়ে যায়—শেষে হয় পরমাল ।

দেব । তা বেস । কিন্তু তাদের বে হ'য়ে গেলেই তাদের
বিয়ে দেব ।

শাম । তা দিও ! এখন চল—মোচ্ছবের মেয়েগুলো এই পথ
দিয়ে ফিরে আসছে—কুঞ্জ থেকে তাদের বেকতে দেখে
এচেছি ।

(একদিকে রংরাজ ও অন্যদিকে অন্য সকলের প্রস্থান ।)

১ম । পাহারাদার বেশী ছুইজন লোকের প্রবেশ ।)

২য় । যা যা কোঁর্তে ব'লেছে—সব তাঁর মনে আছেতো ?

১ম । সব মনে আছে ।

২য় । তোকে কত দিয়েছে ?

১ম । তাকে কত ?

২য় । তুঁই আগে বল ।

১ম । তুঁই না ব'লে ব'লব'না ।

১ম । তুই তো ডারি তাঁদড় ।

২য় । তুইই বা কি কম !

১ম । বলবিনি ?

২য় । তুই ব'লিই ব'লবে ।

১ম । এক চাপড় ।

২য় । কই মা'ব' দিকি ?

১ম । আবে মর—তানয়—এক চাপড় কিনা পাঁচ—বুঝ্ণো !

২য় । ও তাই ! তা আগায় ও তাই ।

১ম । তবে চ'ঐ গাছের আড়ালে লুটিয়ে থাকি গে—ঠিক সময় মত এগুনো যাবে ।

(উভয়ের বৃক্ষাশ্রয়ে গমন)

ভাল্লুক বেশী সর্বশরণকে লইয়া রংরাজের প্রবেশ ।)

রংরা । (উদ্ভক বাজাইতে বাজাইতে) নাচে ভাল্লুক—নাচে

ভাল্লুক—ঠুম্‌কি ঠুম্‌কি নাচে ভাল্লুক ! খুব জোবে জোরে নাচ' ।

সর্ব । (মুখস তুলিয়া) পায়ে বাজে যে ?

রংরা । মুখ ঢাকো মুখ—ঢাকো—এখনি কেউ এসে পড়বে !

পায়ে বাজলে কি হবে, খুব নাচো ! নইলে মানুষে ভাল্লুক ব'লবে কেন ? নাচে ভাল্লুক—নাচ ভাল্লুক—ঠুম্‌কি ঠুম্‌কি নাচে ভাল্লুক ।—আরো জোরে—আরো জোরে

সর্ব । (মুখস খুলিয়া) বড় গরম লাগতিছে—গায়ে জ্বালা ধ্বতিছে ।

রংরা । মুখ ঢাকো ! মুখ ঢাকো ! গরম লাগলে কি হবে, গায়ে জ্বালা পরলেই বা কি হবে—পালান'তো চাই—

ক'সীকাঠ মনে আছেতো ! নাচে ভালুক—নাচে
শালুক, ঠুমকি ঠুমকি নাচে ভালুক ।

সর্ব । (মুখস খুলিয়া) আর লাচতে পারি না ভিত্তা !

রংরা । কথ ঢাকো ! মুখ ঢাকো ! তুমি মজাবে দেখছি

সর্ব । এই ঢাকছি ভিত্তা—ঢাকছি ! আগর তালতাবি গওরের
মাহিরে লিরে চ—এ ছাই জানোয়ারের চামরা খুলে,
বাচি ।

রংরা । এইবাব নিয়ে যাবো ! ওই যা—একটা জিনিষ ঝুলে
এয়েছি । এইখানে একটু থাকো—দড়িটা আমি
এই গাছে বেঁধে রাখি । তুমি, ভালুকেব যেমন জর হয়
তেমনি শুয়ে শুয়ে কোঁ কোঁ কর, কেউ এদিকে আসবে
না । যদি কেউ আসে—তুমি ঘোঁৎ ঘোঁৎ কোবে ভয়
দেখিও । আমি এখনি আসবো ! (তথাকরণ) ।

(শ্রেষ্ঠী বমণীগণের গান করিতে করিতে প্রবেশ)

গীত ।

হ'লো মদনোৎসব ভঙ্গ ।

আমোদে প্রমোদে ফুরাল, মিটিল—রমণীরমণ রঙ্গ ।

কত—উচ্ছে উঠিল মধুর তান,

চৌদিকে গীত, হইল গান,

কত—যন্ত্রী মাতিল, যন্ত্র বাজিল,

হরে-লয়ে-তালে মোহিল আশ ।

নর্তনে—প্রতিবর্তনে—প্রসঙ্গে—খেলিল খেলা/সমঙ্গ ।

১ম-র । ওলো ! দেখ, দেখ, একটা ভালুক এখানে বাধ
রয়েছে ।

২ম-র । তাইত লো ! ভালুক ওলাটা গেল কোথা, একবার নাচ
দেখ তুমি ।

৩ম-র । ওলো গাছকতক রোঁয়া ছিঁড়ে নেনা, কাজে লাগবে ।

১ম-র । আমি পার্বোনা ভাই । পারিস্ তো তুই দ্যাখ ।

৩ম-র । আচ্ছা আমিই নিচ্ছি ! বাধা আছে তার ভয় কি ?

(অগ্রসর উদ্যোগ) ।

১ম-ব । দেখিস্ ! যেন জাপটে ধরে না, ও জেতের সঙ্গে বোগ
আছে ।

২ম-র । তা আছে ।

৩ম-র । কই ধরুক না দেখি ।— (অগ্রসর হওন)

সর্ব । ঘোঁৎ ঘোঁৎ ঘোঁৎ—

৩ম-র । ওরে বাপরে ধোল্লেরে—

(সকলের পলায়ন)

(পাছাবাদার বেশী দুইজন লোকের প্রবেশ)

১ম । কি হোয়ছে ? কি হোয়ছে ?

২ম । কি আর হবে ? এই ভালুকটা মেয়েলোকদের তাড়া
করেছিল ।

১ম । বটে ? ধক্কোতো ওকে ? (অগ্রসর) ।

সর্ব । ঘোঁৎ ঘোঁৎ ঘোঁৎ ।

২ম । ওঃ বেটা ! আমাদের কাছেও ঘোঁৎ ঘোঁৎ ? এক কাজ
করুতো ভাই, তুই বধাঁদিয়ে বিঁধে ফ্যাল, আমি মারি
মাটি, এটা বুনো ভালুক । (উপক্রম) ।

সর্ক। (সুখোস খুলিয়া) আমি বুন্দো লই বুন্দো লই, পোষা !

১ম। মরি, মার, বেটা কথা কয় যে !

সর্ক। (সুখোস খুলিয়া) মারিসলি ! মারিসলি ! আমি মানুষ !

৩ ভিত্তা ! ওরে ভিত্তা !

১ম। মানুষ ? তাইতো ! কে মানুষ—দেখি ! ওরে যাকে খুঁজছি

এ যে সেই, ধব, ধব, ধেঁধে ফেল !—

সর্ক। ও ভিত্তা ! ওরে ভিত্তা !

(রংরাজের বেগে প্রবেশ)

রংরা। কি হ'য়েছে ? কি হ'য়েছে ?

১ম। ফাঁসীর আসামী আবার কি হ'য়েছে কি ?

রংরা। তাই তোদের পায়ে ধরি, কিছু নিয়ে ছেড়ে দে ।

২ম। কিছু কি রকম ? দুটি হাজারের কম না । নইলে ফাঁসী !

রংরা। ক'পলে আর কি হবে ? যমে ধোরছে ।

সর্ক। 'তা—তা—তা—তা—

১ম। চ—চ নিয়ে, নিয়ে গেলেই তো হাজার বকসিস পাবো ।

সর্ক। তা—তা—তা—তা—

রংরা। আর 'তা তা কেন ? দিয়ে ফেলুন, দিয়ে, শালায় সহর

খেঁকে একেবারে স'রে পড়া যাক !

(সর্কশরণ কর্তৃক টাকার থলি বেঞ্জন ; অন্যদিকে লোকধর্ম

অন্যদিকে নাচে ভালুক, নাচে ভালুক করিতে করিতে

(সর্কশরণকে লইয়া রংরাজের প্রস্থান)

পঞ্চম দৃশ্য

শুলকাস্তি শ্রেষ্ঠীবাড়ি-সংলগ্ন উপবন।

(শামলীর প্রবেশ)

শাম্। (স্বগত) যার জন্যে ভাবনা, সে যখন সহরের বার চ'য়ে
গেছে, তখন—

(রংবাজের প্রবেশ)

রংবা। তখন কিলো ?

শাম্। তখন আর কি ? তখন যা বলছিলাম তাই, ~~দে~~ বিয়ে।
আর তারপর—

রংবা। আর তারপর কি ?

(গীত)

রংবা। আব তারপর কি শামলী—আর তারপর কি ।

শাম্। আব—তার পর মুড়ো ঝাঁটা টাঙ্গিয়ে রেখেছি।

রংবা। কেন—কার পিঠেতে ঝাড়বি,

ওলো কার পিঠেতে ঝাড়বি,

শাম্। ও যে পিঠ পেতে দে আনবে কাছে—

তার পিঠেতে ঝাড়বো—

ঝেড়ে ভুঁয়েতে তারে পাড়বো।

রংবা। সে কাজ পারবিনি তুই—পারবিনি—তোর মেজাজ ~~দে~~ নয়

ও তোর মনটা পিরিতিময় ;—

শাম্। ভাল—পারবো কি নাপারবো তখন মার খেলে ঠিক বুঝবি।

রংবা। তোর—মা'ও খাব', আরও এগিয়ে যাব, তখন কি তুই করবি ?

(নন্দবদ্যা ও পুরাণিয়ার প্রবেশ।)

শ্রীমৎ। শ্রীমৎ! এক বিপদ গেল, আবার যে বিপদ এল?

রংরাজ। আবার কি বিপদ?

শ্রীমৎ। এবারের বিপদ বড় শক্ত!

রংরাজ। কি রকম?

পুর। যে সমস্ত তুমি কোণলে ভাঙালে এই সমস্তের আগে নাকি আমার জ্যাঠামশায় অরুণোদয় প্রধানের সঙ্গে সম্বন্ধ ঠিক হ'য়েছিল। সে আশী বছরের কোমরভাঙ্গা বুড়ো, বিশ হাজার দিতে রাজি হ'য়েছিল। এখন কর্তা সেই দিকে ঢ'লেছেন।

রংরাজ। বুড়ো রাজি আছে?

পুর। খুব রাজি—আজ হ'লে কাল চায় না?

রংরাজ। বুড়োর আছে কে?

পুর। আছি আমি। বুড়ো ভারি কঞ্জুস্ অথচ টাকার কাঁড়ির উপর বসে আছে! আমার কিন্তু মুখ দেখেনা—বলে—ও ব্যাটাকে—আমার মরণ টাক্ টেকে আছে।

রংরাজ। হুঁ (অনেক চিন্তা করিয়া) বুড়ো কানে কেমন শোনে?

পুর। টেচিয়ে ব'লে শুন্তে পাঃ।

রংরাজ। (চক্ষুদিয়া অনেক চিন্তা) বাম্ ঠিক থাকুন—কর্তা বিশ হাজার টাকা ও পাবেন, আপনাদের বিবাহও হবে।

পুর। কেমন কোরে হবে?

শ্রীমৎ। কেন ভাবছেন! কি কোরে হবে—সে ও ঠিক এঁচে নিলেন, ওই যে চোখ বুজে ছবার সূখী নাড়িলে, ওই

হোলো ওর চাকর, ও যে পাঁকা মতলব বাজ্ !

দেব । যাই হোক শিম্‌লি । এ কাজ তোরা যদি বুঝে পারিস্
তো আমরা একা সুখী হবনা—তোদের ও—

শাম । আমাদের আবার কি ? আমি ওকে চাই না ।

রংরা । হ্যাঁ আমিই আঁয় চাই নাকি ? আমার যদি গুণ থাকে
তো অমন অনেক গ্রামলী ধবলী—টলি টলি টলি
আসবে, আর নড়ির বাড়ি থাকে আর যাক'কে
সেঁকধা এখন বলবো না ।

শাম । কেন—বল্‌না—আর সেটা বাকি থাকে কেন !

রংরা । থাক—কিছু বাকি থাক—একেবারে সব শোধ কোলে
পাওনাদারে আর দেন্দারে মুখ দেখেছি থাকবে না ।

শাম । আচ্ছা বেশ ! এখন এদিকের কি ?

রংরা । এদিকের সব ঠিক কচ্ছি । আপনারা স'রে পড়ুন !
আর শামা ! কর্তাকে একবার কোন রকমে এখানে
ডেকে দে ।

(রংরাজ ব্যতীত সকলের প্রস্থান)

রংরা । (স্বগত) কর্তাকে বোঝাতে হবে—আমি কোমরভাঙ্গা
বুড়োর চাকর । আর তাকে গিয়ে বলতে হবে—কর্তার
চাকর । কর্তাকে বিশ হাজার টাকা দেওয়াও চাই—
এদের গির্জনের নিরে হওয়াও চাই—আর কোমরভাঙ্গা
বুড়োটোর ? তার অনেক টাকা—বিশহাস্যে বৈশী
কিছু হামি হবে না । (ছদ্মবেশ ধারণ)

(গুজবান্তির প্রবেশ)

গুজব । তুমি কে ?

রংরাজ । আমি অরুণোদয় প্রধানের প্রধান কর্মচারী ।

শুভ্র । বুটে ! এস এস ! তিনি কিছু থলে পাঠিয়েছেন কি ?

রংরাজ । বলাবলি আর কি ! তিনি এ বয়সে আর বিবাহ করেন না ।

শুভ্র । সে কি ? আমায় বিশহাজার দেড়ার কথা, বিবাহ করবার কথা ?

রংরাজ । আহাশ ! বিশহাজার আপনি পাবেন—তবে তাঁর পরিবর্তে, তিনি, তাঁর একমাত্র উত্তরাধিকারী শ্রীতার ভ্রাতুষ্পুত্র পুত্রপ্রিয় প্রধানের সহিত আপনার কন্যার বিবাহ যাতে হয়, সেই কথা ব'লে পাঠিয়েছেন ।

শুভ্র । বেশ কথা ! তাঁকে আনিয়ে সব স্থির কোরে ফেললে ভাল হয়না !

রংরাজ । আজ্ঞে হাঁ আপনি সন্মত হলেই টাকা লোম্বে আসেন ।

শুভ্র । এখনি—এখনি—তুমি লয়ে এস !

(রংরাজের প্রস্থান)

(অনাবিলার প্রবেশ)

অনা । কে লোকটা চলে গেল !

শুভ্র । ও সেই অরুণোদয় প্রধানের কর্মচারী !

অনা । তুমি টীকার জন্যে মেয়েটাকে দেখছি, হাত পা বেঁধে জলে ফেলে দেবে ! তা যা ইচ্ছে করি আমি কিন্তু গলায় দড়ি দেব ।

শুভ্র । আরে মা না—তা আর ক'র্ত্তে হবে না ।

অনা । বু'র্ত্তে হবে না তো কি ? দুদিন বাদে মেয়েটাকে বিধবা হবে অথচ আমাদের সমাজের মুখ দেয়ে তাঁর আর বিয়ে

দিতে পারেনা না—সেই কুলকাটের আংরা কানটে
চেপে রাখতে হবে ?

শুভ্র । আহাঁহা তা নয় তা নয় ! সে বুড়োর সঙ্গে নয়—এ বিয়ে
তার ভাইপোর সঙ্গে !

অনা । টাকা ?

শুভ্র । টাকা যা দেবার কথা ছিল—তাই দেবে ।

অনা । তবে বেশ !

(টাকার থলিয়া স্বক্কে রংরাজ ও পশ্চাতে বৃদ্ধ

অরুণোদয় প্রধানের প্রবেশ)

শুভ্র । আস্তে আস্তে হোক প্রধান মহাশয় !

অরু । বস্তুতে আস্তা হোক শ্রেষ্ঠী মহাশয় !—টাকার থোলে ?
ওরে টাকার থোলে ?

রংরা । আস্তে এই যে !

অরু । যেরূপ কথা বার্তা হ'য়েছে তাতে আপনি সন্তুষ্ট ?

শুভ্র । সম্পূর্ণ সন্তুষ্ট ! আপনি যা বিবেচনা ক'রেছেন, তা
আপনার নত মতে লাকেকবই উপযুক্ত !

অরু । কি ? কি ব'লছেন ?

রংরা । (চিৎকারস্বরে) ব'লছেন—আপনি যেমন মহৎ, তেমন
কার্য্য ক'রেছেন ।

অরু । অবশ্য ! অবশ্য ! মানুষের বিপদে আপদে দেখা চাই—

শুভ্র । তা তো চাইই ! বিশেষ আপনি যেকপ নিঃস্বার্থ ত্যাগ
ক'রে পরের জন্য অর্থব্যয় ক'লেন, এরূপ নিঃস্বার্থ পুরুষ
জগতে প্রায় দেখা যায় না !

অরু । কি ? কি ব'লছেন ?

স্বংসাজ । (চিৎকারশব্দে) ভাল কথাই ব'লছেন ! আপনি বড়
নিঃস্বার্থ কিনা—তাই আপনার সুখাতি ক'ছেন !

অরু । অবশ্য ! অবশ্য ! তাতো করবেনই ! তবে একটু
স্বার্থও আছে বইকি !

শুভ্র । তা অবশ্য আছে—সে তো অপর কেউ নয়, নিজেরই
লাতুপুত্র !

অরু । কি ? কি ব'লছেন ?

স্বংসাজ । (চিৎকারশব্দে) বলছেন—স্বার্থ আছে বই কি ?

অরু । হ্যাঁ হ্যাঁ তা তো ব'লবেনই ! এখন কন্যাটি কোথা ?

শুভ্র । এখনি আনাচ্ছি ! (অনাবিলার প্রতি) দেবদয়াকে ল'য়ে
এস । (অনাবিলার প্রস্থান ।)

অরু । কন্যাটিকে আনতে গেলেন বুঝি ? উনি কে ?

শুভ্র । উনিই আপনার বৈবাহিকা হবেন ।

অরু । কি কি ? ব'লছেন ?

স্বংসাজ । (চিৎকারশব্দে) উনিই কল্যার মাতা !

অরু । বেশ বেশ—সুন্দরী বটে !

শুভ্র । আপনাকে ধন্যবাদ !

(দেবদয়াকে লইয়া অনাবিলার প্রবেশ) ।

অরু । আহা ! আপনার রূপবতী কন্যা আমার গৃহে যা'তে
লক্ষীস্বরূপিনী হন—সেইমত শিক্ষা দে'বেন ।

শুভ্র । শিক্ষা এখন আপনার হাতে ! আজ হতে আর আমা-
দের বিশেষ কোন ক্ষমতা রইল না—আপনার বধু
আপনি যেরূপ শিক্ষা দেবেন—তাই হবে ।

অরু । কি কি বলছেন !

রংরা । (চিৎকার শব্দ) বগছেন—উনি তো এখন
আপনারই গৃহলক্ষী হবেন—ওঁর শিক্ষা ভর আপনার
উপর ।

অরু । অবশ্য ! অবশ্য ! কপে আমি বিচায়ে, সন্তুষ্ট হয়েছি—
এখন—আর্থিক বাণীয়ারটা শেষ হয়েছে যাক ।

শুভ্র । যে আজ্ঞা !

অরু । টাকার খোলে ? টাকার খোলে ?

রংরা । আজ্ঞে এই যে !

অরু । শুণে নোন ! নিশহাঙ্গার নোন—কন্যাটি লই ।

শুভ্র । (অর্থ লইয়া) ঠিক আছে । ওঁর ভ্রাতৃপুত্রকে লোয়ে
এস ।

রংরা । যে আজ্ঞা আমি আনছি ।

(রংরাজের প্রস্থান ।)

অরু । ভৃত্যটি কোথায় গেল ?

শুভ্র । (চিৎকার স্বরে) আপনার ভ্রাতৃপুত্রকে আনতে ।

অরু ! ভ্রাতৃপুত্র ! ভ্রাতৃপুত্র কেন ?

শুভ্র । (চিৎকার শব্দ) কন্যাদান জন্য !

অরু । ভ্রাতৃপুত্রের প্রয়োজন কি !

শুভ্র । (চিৎকার শব্দ) আপনার আদেশমত আমি ~~কাকেই~~ উ
কন্যা দান ক'চ্ছি ।

অরু । একি কথা ! একি কথা ! এ কার কথা !

শুভ্র । ঐ আপনারই কথা !

অরু । আমার কথা ! কে বোলে !

শুভ্র । কেন ? আপনার চাকর ।

অরু। আমার চাকর ? আমার আবার চাকর এল কখন ?

শুভ্র। ঐ যে আপনার সঙ্গে যে এল—

অরু। ওতো তোমার চাকর ?

শুভ্র। আমার চাকর নয়।

অরু। আমার ও চাকর নয়।

এখন ও কথা পাগটালে কি হবে বলুন ? ঐ এসে আমার বসনে, আপনি আপনার দ্রাহুপুত্রের সঙ্গে আমার কন্যার বিবাহে ইচ্ছা প্রকাশ করেছেন।

অরু। আমি কখনও সে কথা বলিনি।

(পুত্রপ্রতির প্রবেশ)

পুর। আপনিই বলেছেন।

অরু। আমি ? ওরে জোচ্চোর ! আমি ? ওঃ বুঝেছি—সে বেটা এবই লোক ; এর ভেতর একটা ফাঁকী চ'লেছে। শ্রেষ্ঠী মশাই ! টাকা ফেরৎ দিন।

পুর। ওঁর বণিকপুণ্ড্রন না ; উনি এই এক রকম বণেন—অমনি আবার অন্য রকম করেন—কতকটা ভিন্নরতির ভাব আর কি।

শুভ্র। দয়ী বাক্তী স্থির কোরে টাকা দিয়েছেন—এখন পুত্রাধু লয়ে ঘরে যান। বাবা পুরপ্রিয় ! আমি দেবদয়াকে হাঠি হাতে অর্পণ কল্লম।

(দেবদয়াকে অর্পণ ও অনাবিলাসহ প্রস্থান।)

দেব। বাবাকে কেন ছঃখিত হচ্ছেন ! আমি তো আপিন্যাই গৃহে মাছি।

অরু। মরণে যা!—সেই সে বেটা কোথা! তাকে পকে
দেখে নেকো।

(একদিকে প্রস্থান। অন্যদিক হইতে শামলি ও
রংরাজের প্রবেশ)

পুর। রংরাজ! আমি তোমার ভাল করবো! আজ হতে কৃষি
আমার ব্যবসা বাণিজ্যে বন্ধ রাখি।

দেব। শামলি! তোর আমার এক মনেট—কেমন?

শাম। না, ষোলো এ বলেছে মাথা খুঁড়বে—কাজেই!

রংরাজ। তা খুঁড়বো—তা খুঁড়বো।

(প্রেস্তী-মহিলাগণের প্রবেশ।)

গীত

মন্দ কি—মন্দ কি—আচ্ছা মনি বেশ—মন্দ কি!
ভালর ভালর ভালর (স) যে, এব বাড়ি আনন্দ কি!
যে চাষ যায়, ঠিক পেলে সে তায়,
ম ভয়ে ম'জে থাকবে সে মজায়;
চমু জুড়ায়—দেখলে এদের, মিলবে ভাল মন্দ কি।

যবনিকা।



1821 1



The last two & half toms have been printed by K. M. Sirkar,

AT THE

KUSUMIKA PRESS,

80, Beadon Street, Calcutta.



